



# UMAYKAYO, SUMUROT KANIAK—

---

Para iti Elders  
Quorum ken Relief  
Society

*Masarakan pay dagitoy a resources  
iti Gospel Library app ken iti  
[comefollowme.lds.org](https://comefollowme.lds.org).*

# Apay nga Addaantayo

## kadagiti Miting iti Korum ken Relief Society?

Kadagitoy ud-udina nga aldaw, insubli ti Dios ti priesthood ken nangbukel kadagiti korum ti priesthood ken ti Relief Society tapno makatulong a maipatungpal ti aramidna iti pannakaisalakan. Gapu iti daytoy, tunggal Domingo no agguummongtayo kadagiti miting iti elders quorum ken Relief Society, paglilinnawagan ken planuentayo no ania ti aramidentayonto a makatulong a mangipatungpal iti aramid ti Dios. Tapno agbalin a nasamsamay, nasken nga agbalin dagitoy a miting nga ad-adda pay ngem dagiti klase. Gundaway dagitoy tapno aggiinnuman maipapan iti aramid ti pannakaisalakan, aggididdan a masursuruan maipapan iti dayta nga aramid manipud kadagiti pannursuro dagiti lider ti Simbaan, ken mangplano ken mangbukel iti bagbagitayo tapno maipatungpal daytoy.



## Dagiti Council Meeting iti

# Umuna a Domingo

Iti umuna a Domingo ti tunggal bulan, dagiti miting iti elders quorum ken Relief Society *ket saan a mangiraman iti maysa nga adalen nga isuro ti mannursuro*. Ngem ketdi, dagiti panguluen ti elders quorum ken Relief Society ti mangiturong kadagiti miting iti council. Kadagitoy a miting iti council iti umuna a Domingo, aggiinnuman ti tunggal elders quorum ken Relief Society maipapan kadagiti lokal a pagrebbengan, gundaway, ken karit; masursuruan manipud kadagiti nauneg a panna-kaawat ken pannakaammo ken padas ti tunggal maysa; ken agplano kadagiti wagas a makapagtignay kadagiti impresion a naawat manipud iti Espiritu. Nasken a maibatay dagitoy panaglilinnawag xkadagiti mainaig a nasantuan a kasuratan ken pannursuro dagiti sibibiag a propeta.

Saanto nga agpapada ti amin a miting iti council. Dagitoy ti sumagma-mano a pangiwawan a mangtulog kadagiti panguluen a mangiturong iti naballigian a council.



## DAGITI TOPIKO PARA KADAGITI MITING ITI COUNCIL ITI UMUNA A DOMINGO

Dagiti kapanunotan para kadagiti paglilinnawagan a topiko iti miting iti council ket aggapu kadagiti miting ti pangulu, miting iti ward council, ti plano ti area, dagiti impresion a naawat dagiti lider kabayatan ti panagserbida kadagiti miembro, ken dagiti parikna manipud iti Espiritu Santo. Singasing laeng dagiti topiko iti baba. Mabalin nga ammo dagiti lider ti dadduma pay a kasapulan a mariknada a naparegta a mangilawlawag kadagitoy.

- Ania ti maaramiditayo a makapagserbi kadagiti adda iti aglawlawtayo? (kitaen iti Mosiah 23:18).
- Kasano a maipangpangrunatayo dagiti nadumaduma a pagrebbengantayo?
- Kasano a maibinglaytayonto ti ebanghelio kadagiti gagayem ken padatayo a tattao? (kitaen iti Alma 17).
- Kasano a masaluadantayo ti bagbagitayo ken dagiti pamiliatayo manipud iti saan a maikanatad a media ken pornograpia?
- Anianto ti aramiditayo a mangisuro ken mangpapigsa kadagiti annaktayo ken dagiti agtutubo iti wardtayo?
- Kasano nga ad-adda a makiramantayo iti family history work ken panagdaydayaw iti templo?
- Kasano a maawistayo ti tulong ti Apo bayat ti panangkagumaantayo a manggun-od kadagiti sungbat dagiti saludsod iti ebanghelio ken panagkalikagum a manggun-od iti naun-uneg a pannakaawat iti ebanghelio?
- Kasano a mapapigsatayo dagiti pamanekektayo maipapan ti Apo ken ti ebangheliona ken makatulong kadagiti pamiliatayo nga agbalin a naespirituan nga agpannurray iti bagi?

### SAKBAY TI MITING ITI COUNCIL

#### Aramiden:

- Ilasin dagiti lokal a kasapulan, gundaway, ken karit.
- Nainkararagan a pumili iti maysa a topiko a paglilinnawagan.
- Mangawis kadagiti miembro ti korum wenna kakabsat a babai iti Relief Society nga umay a nakasagana a mangibinglay kadagiti kapanunotan ken padasda.

#### Saan nga aramiden:

- Mangisagana iti maysa nga adalen.
- Umay nga addaan iti masinuno a pangrisut wenna addan iti panunotna ti plano nga agtignay .

### KABAYATAN TI MITING ITI COUNCIL

#### Aramiden:

- Mangawis kadagiti lider a **A MANGIBINGLAY KADAGITI PADAS** nga adda kadakuada nga agtignay kadagiti impresion manipud kadagiti kallabes a miting.
- Mangyam-ammo kadagiti topiko iti miting ken mangparegta kadagiti miembro nga **AGGIIN-UMAN** maipapan iti daytoy, nga agkalikagum a manggun-od kadagiti pangrisut ken pannarabay manipud kadagiti nasantuan a kasuratan, balikas dagiti propeta, ken ti Espiritu Santo.
- **MANGPLANO NGA AGTIGNAY** iti no ania ti napaglilinnawagan. Mabalin nga iraman daytoy dagiti plano ti grupo wenna plano a bukod nga inaramid ti tunggal tao.

#### Saan nga aramiden:

- Mangrimbaw kadagiti pagsasaritaan.
- Mangpadas a manguyot iti dadduma kadagiti kapanunotan.
- Paglilinnawagan dagiti sensitibo wenna kumpidensial nga isyu.
- Mangisuro iti maysa a leksion.
- Mangpilit iti asino man a makiraman.


### KALPASAN TI MITING ITI COUNCIL

#### Aramiden:

- Mangsurnad [follow up] kadagiti plano ken naidutok nga aramiden a naaramid iti miting iti council.
- Mangsapul kadagiti wagas a mangiraman kadagiti saan a makadar-ay iti miting gapu kadagiti takem [calling] wenna dadduma pay a rason. Ipakaammom kadakuada maipapan kadagiti plano a naaramid.
- Mangted iti miembro kadagiti gundaway a mangibinglay iti padpadasda kadagiti masakbayan a miting.

*“Maysa kadagiti napintas a banag maipapan iti daytoy a miting iti council ket pudno a napagnumuanyo nga addaan iti plano nga agtignay iti gibus ti miting.”*

—Sister Jean B. Bingham, Relief Society General President



## Dagiti Miting iti

# Maikadua ken Maikatlo a Domingo

Kadagiti maikadua ken maikatlo a Domingo iti tunggal bulan, masursurua dagiti elders quorum ken Relief Society manipud kadagiti pannursuro dagiti lider ti Simbaan manipud iti kaudian a sapa-sapa a komperensia. *Nasken a maited ti panangyunay-unay kadagiti mensahe manipud kadagiti miembro ti Umuna a Panguluken ken ti Korum dagiti Sangapulo-ket- dua nga Apostol.* Nupay kasta, maibatay kadagiti lokal a kasapulan ken pammaregta manipud iti Espiritu, mabalin a paglilinnawagan ti ania man a mensahe manipud iti kaudian a komperensia.

Iti kaaduan a kasasaad, pumilinto ti panguluken ti elders quorum wenno Relief Society iti maysa a mensahe iti komperensia nga adalen a maibatay kadagiti kasapulan dagiti miembro, nupay mabalin a mangted ti bishop wenno stake president. Mabalin dagiti lider ti pumili iti mensahe a mainaig iti topiko a nailawlawag iti miting iti council iti umuna a Domingo, wenno mabalinda ti pumili iti mensahe iti sabali pay a topiko, a maibatay iti pammaregta manipud iti Espiritu.

Nasken a mangsapul dagiti lider ken mannursuro kadagiti wagas a mangallukoy kadagiti miembro a mangbasa iti napili a mensahe a nasapsapa ket umayda a nakasagana a mangibinglay kadagiti kinapudno ti ebanghelio ken kapanunotan maipapan iti no kasano ti agtignay kadagiti. Dagiti naisingasing nga aktibidad iti panagsursuro iti baba, a maibatay kadagiti prinsipio iti *Panangisuro iti Wagas ti Mangisalaman*, ket makatulong kadagiti miembro a makasursuro manipud kadagiti mensahe iti sapa-sapa a komperensia.

*“Sigaganetget a mangsapul kadagiti wagas a pakausaran dagiti mensahe iti [sapa-sapa a komperensia] kadagiti family home eveningyo, iti panangisuroyo iti ebanghelio, [ken] kadagiti pannakisarsaritayo kadagiti pamilia ken gagayyem.”*

President Russell M. Nelson, “Let Us All Press On,” *Liahona*, Mayo 2018, 118.

**M. Russell Ballard**, “*Precious Gifts from God*,” 9–11

Nailawlawag iti mensahe ni Presidente Ballard ti nadumaduma a topiko—agraman dagiti propeta, pammati ken ni Cristo, ti sakramento, ken serbisio — ken mabalin a masarakan dagiti miembro ti korum wenno Relief Society ti nadumaduma a topiko a naisangsangayan a napanuan kaipapanan. Mangawis kadagiti miembro a mangibinglay iti maysa a banag manipud iti daytoy a mensahe a mangparegta kadakuada. Ania dagiti pangawis wenno naikari a bendision a masarakantayo iti mensahe ni Presidente Ballard? Ibilang ti panangawis kadagiti miembro nga utobenda iti sumagmamano a minuto no ania ti mariknada a makaparegta nga aramiden-das bunga daytoy panaglilinnawag.

**Gary E. Stevenson**, “*The Heart of a Prophet*,” 17–20

Tapno matulongan dagiti miembro a “maawatanda ti kinadakkel” ti panangawag iti maysa a baro a propeta, mabalinmo nga awisen dagiti miembro a mangsukisok iti mensahe ni Elder Stevenson, a mangsapul kadagiti kinapudno ken nauneg a pannakaammo ken pannakaawat [insights] a makatulong kadakuada a makaawat iti kinapateg ken kinasagrado daytoy nadiosan a proseso. Ibilang ti panangawis kadagiti miembro a mangibinglay no ania ti nariknada kabayatan ti sagrado a panagtitipon a nangkanunongan ken ni Presidente Nelson a kas Presidente ti Simbaan. Mabalinmo pay ti mangidrowing iti sinan-puso iti pisarra ket kiddawem kadagiti miembro a mangisuratda ditoy kadagiti balikas wenno ragup dagiti balikas a mangiladawan iti puso ken kababalin ni Presidente Nelson. Ania ti insurona a nangbendision kadatayo?

**Neil L. Andersen**, “*The Prophet of God*,” 24–27

Ti panangilawlawag iti mensahe ni Elder Andersen ket mabalin a mangpapigsa iti pammati dagiti miembro kadagiti sibibiag a propeta. Mabalinmo nga awisen ida a mangsukisok iti mensahena para iti maysa a banag a makatulong kadakuada a makaawat no apay nga addaan ti Dios kadagiti propeta iti daga ken no apay a sumurottayo kadakuada. Kasano a napanaraburantayo gapu ta addaantayo iti maysa a propeta? Mabalin dagiti miembro ti mangibinglay no kasano a nakagun-odda iti pammaneknek a ni Presidente Russell M. Nelson ti propeta ti Apo ken ti Presidente ti Ti Simbaan ni Jesucristo dagiti Santo iti Ud-udina nga Aldaw.

**David A. Bednar**, *"Meek and Lowly of Heart,"* 30–33

Tapno maparegta ti panaglilinnawag maipapan iti mensahe ni Elder Bednar, mabalinmo nga isurat iti pisarra ti *Ti kinapakumbaba ket . . . ken Ti kinapakumbaba ket saan a . . .* Kalpasanna mabalin a sukisoken dagiti miembro ti mensahe ni Elder Bednar ket isuratmo iti pisarra dagiti ragup ti balikas a nasarakanda kadagitoy a palawag. Ania ti masursurotayo manipud iti daytoy a mensahe a mangparegta kadatayo nga agbalin a napakpakumbaba pay? Ania dagiti pagarigan ti kinapakumbaba a mapanuntotayo? Kasano a mayaplikartayo ti balakad ni Elder Bednar nga agbalin a napakpakumbaba pay?

**Bonnie L. Oscarson**, *"Young Women in the Work,"* 36–38

Dagiti saludsod ket maysa a wagas a mangyawis iti panagutob. Ibilang ti panangisurat iti pisarra ti sumagmamano a saludsod a masungbatan iti mensahe ni Sister Oscarson, a kas iti *Kasano a mairamantayo dagiti agtutubo a babbai iti aramid ti Apo?* Mangawis kadagiti miembro a mangsukisok iti mensahena para kadagiti sungbat kadagitoy a saludsod ket paglilinnawagan no ania ti masursuroda. Ania dagiti bendision nga umay no makiraman dagiti agtutubo a babbai iti panagserbi? Nalabit a mabalin nga ibinglay dagiti miembro ti klase dagiti padasda iti panagserbi kadagiti agtutubo a babbai. Batay iti panaglilinnawagtayo, ania ti mariknatayo a makaparegta nga aramiden?

**Dale G. Renlund**, *"Family History and Temple Work: Sealing and Healing,"* 46–49

Insarita ni Elder Renlund maipapan iti parmata ni Ezequiel maipanggep iti maysa a templo nga adda danum nga agay-ayus ditoy (kitaen iti Ezekiel 47:8–9). Nalabit a mabalin nga idrowing dagiti miembro ti korum wenno Relief Society ti ladawan daytoy a parmata iti pisarra. Kasano a mayarig dagiti bendision ti aramid iti templo ken family history iti danum iti parmata ni Ezequiel? Mabalinmo nga awisen dagiti miembro ti klase a mangibinglay kadagiti bendision ti aramid iti templo ken family history a napadasandan. Ania ti maaramidatayo tapno mapagbalintayo ti aramid iti family history ken templo nga ad-adda pay a kadawyan a paset ti panagbiagtayo?

**D. Todd Christofferson**, *"The Elders Quorum,"* 55–58

Iti elders quorum, mabalinmo nga awisen dagiti miembro ti korum a mangbasa iti benneg ti mensahe ni Elder Christofferson a napauluan iti *"Ti Panggep Dagitoy a Pannakabalbaliw."* Ania ti maaramidatayo tapno masigurado a



maipatungpaltayo dagitoy a panggep? Iti Relief Society, mabalinmo nga idawat iti maysa a tao a manggugop kadagiti pannakabalbaliw dagiti korum iti Melchizedek Priesthood nga inladawan ni Elder Christofferson. Kalpasanna mabalin nga ilasin dagiti kakabsat a babbai dagiti pagbatayan a naipaawat kadagitoy a pannakabalbaliw a mabalin a mayaplikar ti aramid ti Relief Society. Iti elders quorum wenno Relief Society, mabalin nga ilawlawag dagiti miembro no ania ti masursuroda manipud iti estoria ni Brother Goates ken no kasano a mayaplikar daytoy iti aramidda.

**Ronald A. Rasband**, *"Adtoy! Ti Naarian a Buyot,"* 58–61

Nalabit nga iti panagkanta, panangdengngeg, wenno panagbasa kadagiti balikas ti *"Behold! A Royal Army" (Hymns, no. 251)* nga aggigiddan mabalin a mangparegta ti panaglilinnawag maipapan iti mensahe ni Elder Rasband. Kasano a mayarig dagiti korum ti priesthood ken Relief Society iti naarian a buyot? Mabalin pay a sapulen ken paglilinnawagan dagiti miembro ti "nawadwad a bendision" a dinakamat ni Elder Rasband ket aggapunto iti maulit a pannakabukel dagiti korum iti priesthood. Ania dagiti dadduma pay a bendision nga inawattayo—wenno namnamaentayo nga awaten—manipud iti pannakaipatungpal dagitoy a pannakabalbaliw? Kasano a naan-anay nga awaten dagiti Relief Society dagiti bendision kas "panagduduma dagiti sagsagut" ken "panangisuro"?

**Henry B. Eyring**, *"Inspired Ministering,"* 61–64

Imbaga ni Presidente Eyring maipapan iti dua a panagsarita iti miting sakramento

maipapan iti ministering a nakaawis iti riknana. Nalabit a mabalinmo nga idawat iti kagudua ti korum wenno kadagiti miembro ti Relief Society a mangrebyu kadagiti balikas ti agtawen iti 14 nga agtutubo a lalaki ken iti sabali a pay a kagudua a mangrebyu iti estoria maipapan iti home teacher. Bayat ti panagbasada, mabalin nga agpanunot dagiti miembro iti balakad a mabalinda nga ited iti agtutubo a lalaki wenno agtutubo a babai a kabarbaro a nadutokan nga agserbi iti maysa a tao. Kasano a "makapagbalintayo nga ad-adda pay a naparegta ken manangngaasi . . . iti serbisiotayo iti ministering"?

**Dallin H. Oaks**, *"The Powers of the Priesthood,"* 65–68

Tapno mangirugi iti panaglilinnawag, mabalinmo nga isurat dagiti paulo ti uppat a benneg ti mensahe ni Presidente Oaks iti pisarra. Kalpasanna awisem ti tunggal miembro a mangbasa a siuulimek iti maysa a benneg ket kalpasanna isurat iti pisarra ti maysa a binatang a manggugop iti kangrunaan a mensahe dayta a benneg. Kalpasanna mabalin nga ibinglay dagiti miembro no ania ti mariknada a makaparegta nga aramiden gapu iti nabasada. Kasano a mapadur-as ti panagserbitayo kas priesthood holder wenno kakabsat iti Relief Society bayat ti panangyaplikartayo kadagiti pannursuro iti mensahe ni Presidente Oaks?

**Russell M. Nelson**, *"Ministering with the Power and Authority of God,"* 68–75

Awisen ti Presidente Nelson dagiti priesthood holder a "tumakder" ken mangusar iti priesthood a mangbendision kadagiti annak ti Nailangitan nga Ama. Mangawis kadagiti miembro ti korummo wenno Relief Society a

## Maysa a Pagtuladan para kadagiti Mitingtayo

**1. Mangibiglay kadagiti padas** iti panagtignay kadagiti impresion ken awis a naawat kadagiti kallabes a miting iti priesthood ken Relief Society (idauluan ti maysa a miembro ti pangluen).

**2. Aggiddan nga agsursuro** (idauluan ti naawagan a manursuro). Masansan a makatulong daytoy a mangawis kadagiti miembro a:

- Mangsukisok iti maysa a banag iti mensahe ti komperensia (kas maysa a sungbat iti maysa a saludsod, maysa a makaparegta a binatang, wenna maysa a pagarigan ti maysa a prinsipio).
- Mangibinglay ken paglilinnawagan no ania ti nasarakanda.
- Mangibilang no kasano a mayaplikar ti mensahe iti biag ken padpada.

**3. Agplano nga agtignay** kas individual wenna kas grupo (idauluan ti maysa a miembro ti pangluen).

mangsukisok kadagiti pagarigan nga intedna ket paglilinnawagan no kasano a makatulong kadatayo a makaawat no kasano a mauser ti priesthood a mangbendision kadagiti pamilyada, ken dadduma pay. Ania dagiti padas a maibinglaytayo idi naparaburantayo iti bileg ti priesthood? Kasano a matulongantayo dagiti dadduma wenna ti bagbagitayo a maaddaan iti pammati a mangusar iti priesthood ti Dios nga “agminister iti naganna”?

**Reyna I. Aburto, “With One Accord,”** 78–80

Mangted ti mensahe ni Sister Aburto iti gundaway iti korummo wenna Relief Society a mangamiris no kumustan ti panagtrabaho nga agkaykaysa iti aramid ti Apo. Tapno matulongan dagiti miembro a mangaramid iti daytoy, mabalimo nga ipakita dagiti ladawan dagiti reyna ti kulibangbang, ti isasarungkar ti

Mangisalakana kadagiti Nephite (kitaen iti *Libro ti Arte ti Ebanghelio*, 82, 83, 84), ken ti aramid ti Simbaan nga agpaay iti tao (kitaen iti LDS.org). Mabalina a sukisoken dagiti miembro ti mensahe ket takuaten no kasano nga inusar ni Sister Aburto dagitoy a pagarigan a pangisuro maipapan kadagiti panggep ken bendision ti panagtrabaho nga agkaykaysa. Ania ti maaramiditayo tapno agtrabaho “iti maymaysa a tunos”?

**Henry B. Eyring, “His Spirit to Be with You,”** 86–89

Tapno mangpatibker iti tarigagay ken kabaelan nga umawat iti Espiritu Santo, ibinglay ni Presidente Eyring ti sumagmamano a bukod a padpada ken mangted iti masinuno a pangiturong. Kalpasan ti panangrebyuna kadagiti padasna, ania dagiti maipada a lagip a maibinglay dagiti miembro ti korummo wenna Relief Society idi sinagid ti Espiritu Santo ti puspusoda wenna pinasingkedanna iti kinapudno? Nalabit a mabalina nga ilista dagiti miembro iti pisarra ti pannarabay nga ibinglay ni Presidente Eyring a makatulong a “manglukat iti puspusoda nga umawat iti panagpapaay ti Espiritu.” Kasano a ti panangsurat ti panangiturongna ket tulonganantayo iti bukodtayo a biag ken kadagiti pamilya? iti korumtayo wenna Relief Society?

**Dallin H. Oaks, “Dagiti Babassit ken Gagangay a Banag,”** 89–92

Naglaon ti mensahe ni Presidente Oaks kadagiti metapora a mangisuro no kasano nga addaan dagiti babassit ken gagangay a banag iti nabileg nga epekto para iti naimbag wenna dakes. Iraman dagitoy a metapora ti tallo a ramut ti kayo, maysa a bunggoy dagiti aggagaod, dagiti nginabras ti tali, wenna agtedtedted a danum. Mabalina a basaen dagiti miembro dagitoy a metapora ket panglilinnawagan no ania ti isuroda maipapan iti bileg ti panangaramid kadagiti babassit ken gagangay a banag a saan nga agbalbaliw. Ania dagiti babassit ken gagangay a banag a mangisangbay iti impluensia ti Espiritu Santo iti biagtayo? Mangawis kadagiti miembro nga agutob no ania ti nakaawisan ti riknada a mangsurat iti balakad ni Presidente Oaks.

**Russell M. Nelson, “Revelation for the Church, Revelation for Our Lives,”** 93–96

Iti mensahena, agpakaasi kadatayo ni Presidente Nelson a mangpadur-as iti “naespirituan a kabaelantayo nga umawat iti paltiing.” Tapno matulongan dagiti miembro a mangsurat iti panangiturongna, mabalimo nga isurat dagiti saludsod kas iti sumaganad iti pisarra: Apay a kasapulantayo ti paltiing? Kasano a mapadur-astayo ti kabaelantayo nga umawat iti paltiing—kas individual ken bayat ti

panaggiinumantayo? Ania dagiti bendision nga inkari ni Presidente Nelson no agkalikagumtayo a manggun-od iti paltiing? Bingayen dagiti miembro iti kada grupo, ket awisen ti tunggal grupo a mangsarak ken mangibinglay kadagiti sungbat iti maysa kadagiti saludsod.

**Gerrit W. Gong, “Christ the Lord Is Risen Today,”** 97–98

Ania ti masursuro dagiti miembro ti korummo wenna Relief Society manipud iti mensahe ni Elder Gong maipapan kadagiti katulagantayo ken ti Pannubbot ni Jesucristo? Mabalimo nga awisen dagiti miembro a mangsukisok iti mensahe, a mangsapsapul kadagiti bendision nga idiaya ti Pannubbot ti Mangisalakana ken dagiti katulagantayo—panagtrabaho a sangkamaysa—kadatayo. Kalpasanna ibilang ti panagdama kadagiti saludsod kas iti sumaganad maipapan iti no ania ti nasarakanda: Kasano nga agkaykaysa nga agtrabaho dagiti katulagantayo ken ti Pannubbot tapno “mangpabael ken mangpatakeng” kadatayo? Ania ti maitulongda kadatayo a pagtalinaeden ken ikkaten?

**Ulisses Soares, “Prophets Speak by the Power of the Holy Spirit,”** 98–99

Ti mensahe ni Elder Soares ket makaparegta kadatayo nga agtignay iti pammati no mariknatayo ti pagkurangan iti panangaramid iti pagayatan ti Apo. Kasano nga inawat ni Elder Soares ti liwliwa ken pammataged idi inawatna ti baro a takemna kas maysa nga Apostol? Ania ti nasursurona manipud iti padasna iti panna-kaawagna kas maysa a mission president? Ania ti masursurotayo manipud kadagiti padasna? Mangted kadagiti miembro iti gundaway a mangibinglay kadagiti padas idi nariknada a saanda a sigurado maipapan iti maysa a banag a kayat ti Apo nga aramidenda. Ania ti inaramidenda a nangsapul iti pammati nga agtultuloy?

**Jeffrey R. Holland, “Be With and Strengthen Them,”** 101–3

No naammuan dagiti miembro ti korummo wenna Relief Society maipapan kadagiti panagbalbaliw iti “konsepto iti ministering iti priesthood ken Relief Society,” ania dagiti saludsod nga adda kadakuada? Ti mensahe ni Elder Holland ti makaited kadagiti sungbat. Mabalina dagiti miembro ti mangsapul kadagiti pagbatayan ti ebanghelio nga isuro ni Elder Holland ket ti pundasion dagitoy a pannakabalbaliw. Ania dagiti awis a masarakantayo iti mensahena? Ania dagiti bendision a naikari? Kasano a makatulong kadatayo nga agbalina a “pudno a disipulo ni Cristo” dagitoy baro a wagas ti ministering?

**Jean B. Bingham**, “*Ministering as the Savior Does*,” 104–7

Iti mensahena, awisennatayo ni Sister Bingham a mangdamag iti bagbagitayo dagiti saludsod a mabalin a mangtarabay kadagiti panagkagumaantayo iti ministering. Mabalina a paglilinnawagan dagiti miembro no kasano a matarabay dagitoy a saludsod dagiti panagkagumaanda ket kalpasanna mangsarak kadagiti sungbat iti saludsod ni Sister Bingham, “Ngarud, ania ti langa ti [ministering]?” Mabalina a mangbuboska iti panawen a mangrebyu iti sumagmano kadagiti pagwadan nga ibinglay ni Sister Bingham iti ministering dagiti indibidwal ket awisem dagiti miembro a mangibinglay kadagiti bukodda a pagwadan. Ania ti masarakantayo iti mensahe ni Sister Bingham a mangnayon iti pannakaawattayo no apay ken no kasano nga agministertayo?

**Dieter F. Uchtdorf**, “*Behold the Man!*,” 107–10

Kasano a matulongantayo ti maysa a tao a makaawat a ti pangsubbot a sakripisio ken Panagungar ni Jesucristo ket ti kapatgan a pasamak iti pakasaritaan ti lubong? Awisem dagiti miembro a mangutob iti daytoy a saludsod bayat ti panagbasada kadagiti paset ti mensahe ni Elder Uchtdorf. Ania ti nasarakanda a makatulong a mangilawlawag kadagitiyo a pasamak a napateg unay kadakuada? Kalpasan daytoy a panangilawlawag, mabalina a pagsasaritaan dagiti miembro ti klase maipapan no ania ti kaipapanan kadakuada ti “adtoy ti tao.” Kasano ti pannakasursurotayo iti “adtoy ti tao”?

**Quentin L. Cook**, “*Prepare to Meet God*,” 114–17

Mabalina a rugian ti panangilawlawagmo iti mensahe ni Elder Cook babaen ti panagawis iti maysa a miembro tapno manggugop iti pannakaisubli dagiti tulbek ti priesthood iti Templo ti Kirtland. Segun iti mensahe ni Elder Cook, ania dagiti adda a pagrebbengan ti Simbaan a mainaig kadagitiyo a tulbek? Kasano a maipangarang dagitoy a pagrebbengan iti Simbaan iti agdama? Isuratmo dagiti balikas a *kinalinteg*, *panagkaykaysa*, ken *panagpapada* iti pisarra, ket idawat kadagiti miembro a mangibinglay kadagiti nauneg a pannakaammo ken pannakaawat [insights] a magun-odda maipapan iti tunggal maysa kadagitiyo a pagbatayan manipud iti mensahe ni Elder Cook. Kasano a matulongan dagitoy a pagbatayan a mangipatungpal kadagiti sagrado a pagrebbengan iti Simbaan?



## DAGITI MITING ITI

# Maikapat a Domingo

Iti maikapat a Domingo ti tunggal bulan, paglilinnawagan dagiti elders quorum ken Relief Society ti maysa a topiko a pinili ti Umuna a Panguluen ken ti Korum dagiti Sangapulo-ket-dua nga Apostol. Ma-update dagitoy a topiko kalpasan ti tunggal sapisap a komperensia. Manipud ita agingga iti sumaruno a sapisap a komperensia, ti topiko ket “Ministering kadagiti Dadduma.” Tunggal bulan, mabalina a pilien dagiti lider wenna mannursuro ti mangidaulo kadagiti panaglilinnawag iti ania man kadagiti sumaganad a pagbatayan a mainaig iti ministering.

Para kadagiti nayon a resources a mangsuporta kadagiti panaglilinnawag maipapan iti ministering, kitaen iti [ministering.lds.org](http://ministering.lds.org) ken kadagiti artikulo iti “Ministering Principles” kadagiti masakbayan nga isyu ti *Liahona*.

### Ania ti kaipapanan ti agminister?

Ania ti kayat a sawen ti *ministering* kadagiti miembro ti ward wenna branchmo? Tapno maammuan, mabalina nga isurat ti *Ministering* iti pisarra ket kalpasanna awisem dagiti miembro a mangisurat kadagiti balikas iti lawlaw daytoy nga adda pakainaiganda iti ministering. Mabalina a sapulen dagiti miembro dagiti balikas wenna ragup dagiti balikas a mangnayon iti listaan manipud kadagiti nasantuan a kasuratan a kas iti sumaganad: Mateo 25:34–40; Lucas 10:25–37; 2 Nephi 25:26; Mosiah 18:8–9; 3 Nephi 18:25; ken Doktrina ken Katulagan 81:5. Ania ti

masursurotayo manipud kadagitiyo a bersikulo maipapan iti ministering? Mabalina a kiddawen kadagiti miembro a mangibinglay kadagiti pagarigan ti ministering a nakitadan. Kasano a makatulong ti ministeringtagitoy a mangipaay kadagiti naespirituan ken temporal a kasapulan? Kasano a makatulong daytoy kadagiti tao nga ad-adda nga umasiddeg ken ni Cristo?

### Ti Mangisalakana ti naan-anay a pagwadantayo iti ministering.

Tapno masursuro ti maipapan no kasano ti agminister a sisasamay, mabalina

dagiti miembro ti mangibinglay kadagiti estoria manipud kadagiti nasantuan a kasuratan a nakapagserbian ti Mangisalakán kadagiti dadduma—masarakan ti sumagmamano a pagarigan iti Juan 4–6 ken Marcos 2:1–12. Mabalín dagiti miembro ti mangibinglay no ania ti makaawis iti riknanda maipapan kadagitoy nga estoria ken no ania dagiti pagbatayan a masursuroda maipapan iti ministering. Kas pagarigan, kasano nga inyaplikar ti Mangisalakán ti panagserbina kadagiti dadduma? Kasano nga impaayna dagiti naespirituan a kasapulan kasta met dagiti temporal a kasapulan dagiti tao? Mabalín dagiti miembro ti klase ti mangibinglay iti panawen idi nakitadan dagiti tao a nangusar kadagitoy a pagbatayan iti panagserbida.

### **Ti ministering ket paregtaen ti ayat a kas ken ni Cristo.**

Tapno agsukisok iti bileg ti ministering a pinaregta ti ayat a kas ken ni Cristo, mabalínmo nga isurat dagiti sumaganad a binatog iti pisarra ket awisem dagiti miembro a mangisingasing kadagiti wagas a mangpunno kadagiti blangko: *No sipupudno nga ay-ayatek dagiti tao a pagserbiak, Siak \_\_\_\_\_*. *No agserbiak para iti dadduma pay a gapu, Siak \_\_\_\_\_*. Ania ti maaramiddayo tapno mapennek a ti panagministertayo kadagiti dadduma ket paregtaen ti ayat a kas ken ni Cristo? Kasano a mapadurastayo ti ayat a kas ken ni Cristo para kadagiti tao a naidutok kadatayo a pagserbian? (kitaen iti Moroni 7:45–48). Nalabit a mabalín nga ibinglay dagiti miembro dagiti pagarigan ti ministering a pinaregta ti ayat a kas ken ni Cristo.

### **Kayat ti Dios a mabantayan ken maaywanan ti amin nga annakna.**

Kinuna ni Presidente Russell M. Nelson, “Ti sagudayen ti pudno ken sibibiag a Simbaan ket kanayonto nga agbalin a naurnos, naiturong a panagkagumaan nga agserbi iti tunggal maysa kadagiti annak ti Dios ken dagiti pamilyada” (“Ministering with the Power and Authority of God,” *Liahona*, Mayo 2018, 69.). No ania ti isuro ni Presidente Nelson ket sumagmamano a “naurnos, masinunuo” a wagas a pakatulungan ti Simbaan kadatayo a nasaysayaat a mangaywan kadagiti individual? Apay a dagitoy a panagkagumaan ti “sagudayen ti pudno ken sibibiag a Simbaan ti Apo”? (kitaen iti Mosiah 18:21–22 ken Moroni 6:4–6 para iti sumagmamano a kapanutotan). Ania dagiti bendision a sumangbay iti

panagbiagtayo wenna iti biag dagiti dadduma gapu ta nagserbi dagiti tao kadagiti takem wenna naidutok nga aramidenda iti Simbaan?

### **Napateg dagiti kararua iti imatang ti Dios.**

Dagiti padas dagiti annak a lallaki ni Mosiah ti mangiladawan a ti wagas a panangkitatayo kadagiti tao ket mangapekto iti no kasano ti panagserbitayo kadakuada. Mabalínmo nga isurat iti pisarra ti *Kasano a nakita dagiti Nephite dagiti Lamanite* ken *Kasano a nakita dagiti lallaki nga annak ni Mosiah dagiti Lamanite*. Kalpasanna awisem dagiti miembro a mangsukisok iti Mosiah 28:1–3 ken Alma 26:23–26 a mangsapul kadagiti balikas ken ragup ti balikas nga isurat iti babaen ti tunggal maysa kadagitoy a palawag. Ania ti isuro kadatayo daytoy panangidasig maipapan no kasano ti wagas a panagministertayo ket mangapekto iti wagas a panagserbitayo kadakuada? Kasano a masursurotayo a mangkita kadagiti tao nga ad-adda pay kas iti panangkita ti Dios kadakuada? (kitaen iti DkK 18:10–16).

### **Ipamaysa dagiti pudno a minister dagiti kasapulan dagiti dadduma.**

Tapno matulongan dagiti miembro a maawatanda a nasaysayaat ti pateg ti panangipamaysa kadagiti kasapulan dagiti dadduma kabayatan ti panagministertayo, mabalínmo nga idilig ti ministering iti panangted ken panangawat kadagiti sagut. Nakaawattayo kadin iti maysa a napateg a sagut manipud iti maysa a tao a silalawag nga ammona no ania ti kasapulan wenna kayattayo? Kasano a maipada ti ministering iti panangted iti naayat a sagut? Ibilang ti panangilawlawag kadagiti estoria manipud iti kaudian a sapaasap a komperensia a mangipakita no kasano a nagserbi dagiti tao a mayannurot kadagiti kasapulan dagiti dadduma (kitaen, kas pagarigan, iti Jean B. Bingham, “Ministering as the Savior Does,” *Liahona*, Mayo 2018). Mabalín pay nga ibinglay dagiti miembro ti dadduma pay nga estoria a mangipakita iti daytoy a pagbatayan.

Kasano a maammuntayo no ania dagiti kasapulan dagiti dadduma? Awisen ti tunggal miembro a mangaramid iti listaan ti sumagmamano kadagiti tao a pagserbianda. Iti abay ti tunggal nagan mabalinda nga isurat ti sungbat iti saludsod “Ania ti kasapulan daytoy a tao tapno ad-adda nga umasideg ken ni Cristo?”

No mayaplikar, allukoyem dagiti miembro a mangiraman kadagiti ordinansa a mabalín a nasken nga awaten ti tunggal tao. Mangawis kadagiti miembro a mangituloy a mangpanunot maipapan iti daytoy a saludsod ket agkalikagum a manggun-od iti pammaregta a mangtulong kadakuada a mangipaay iti kasapulan dagiti dadduma.

### **Kayat ti Apo nga awatentayo ti ministering manipud kadagiti dadduma.**

Kinuna ni Elder Robert D. Hales: “Agkasapulan ti plano ti ebanghelio iti panangted ken panangawat. . . . Masansan a marigatan nga isao dagiti tao ti: ‘Aramidekto daytoy a sisiak,’ . . . ‘Maaywanak ti bagik.’ Nakuna nga awan ti tao a nakabakbnang a dina kasapulan ti tulong ti sabali, awan ti tao a nakapangpanglaw a saan a napateg iti sumagmamano a wagas iti padana a tao. Ti ugali a dumawat iti tulong manipud iti dadduma nga addaan iti panagtalek, ken patgan daytoy nga addaan iti panangngaasi, nasken a paset ti mismo a kinataotayo” (“We Can’t Do It Alone,” *Ensign*, Nob. 1975, 91, 93). Apay a no dadduma agduaduatayo nga umawat iti tulong manipud kadagiti sabali? Kasano a mangparabur kadagiti agserbi kadatayo ti kinatallugodtayo nga umawat ti tulong? Ikkan dagiti miembro ti sumagmamano a kanito nga agutob maipanggep kadagiti wagas a pakapagbalinanda nga ad-adda a nakasagana nga umawat iti ministering





dagiti dadduma. Ania ti isingasing ti 1 Taga Corinto 12:13–21 maipapan no apay a kasapulantayo ti tunggal maysa?

**Adu dagiti wagas a makapagserbitayo kadagiti dadduma.**

Tapno matulongan dagiti miembro a mangibilang kadagiti adu a wagas a makapagminister-tayo iti tunggal maysa, mabalimo nga awisen ida a mangrebyu iti mensahe ni Elder Jeffrey R. Holland “Be With and Strengthen Them” (*Liahona*, May 2018, 101–3; kitaen met iti “Ministering Principles” kadagiti umay nga isyu ti *Liahona*). Mabalina a bingayen dagiti miembro iti babassit a grupo, ket mabalina a panunoten ti tunggal grupo ti sumagmamano a senario a mabalina a pakasapulan ti tao iti tulong. Kalpasanna mabalinda nga i-brainstorm iti nadumaduma a wagas a pakapagserbian dagiti tao kadagiti espirtual ken temporal a kasapulan dagiti tao. Idawat kadagiti grupo a mangibinglay kadagiti kapanunotanda ken utoben no makabendision met laeng kadagiti tao a nagserbianda dagiti ania man a kapanunotan a nailawlawag.

TI SIMBAAN NI  
**JESUCRISTO**  
DAGITI SANTO  
ITI UD-UDINA NGA ALDAW